

第三〇七册

明倫彙編

官常典

縣令部

縣佐部

縣尉部

廣文部

竇一竇

竇一竇

竇一竇

竇一

(卷)

古今圖書集成

中華書局影印

古今圖書集成

卷一百一十五

目錄

卷一百一十五

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

古今圖書集成
卷一百一十五
目錄

古今圖書集成

中華書局影印

欽定古今圖書集成明倫彙編官常典

第六百四十八卷目錄

縣令部名臣列傳三

明二

貝秉彝

錢本中

胡壽安

石啓宗

余寬

范衷

俞益

葉宗行

徐士宗

孫浩

薛慎

吳原

陳哲

暢宣

劉伯吉

孔公朝

郭亮

馬旭

楊信

李禧

王麟

張庸

吳鑑

李信

宋端

吳祥

陳奐

萬齊

竇直

王彝

祖述

郭南

張璟

徐榮

何澄

田玉

葉麒

胡濟

宗顯

王徽

甄鐸

劉諒

吳澹

蕭昱

白爰

余金

王秉彝

唐溥

周應

丁積

章忱

余泰

周洪

徐恂

高瑤

王縉

楊護

梁儉

王琬

龍韜

許潛

馬成

金洪

姜溥

方溥

張時孜

王衡

劉田

徐讚

劉紘

殷雲霄

曹祥

樂護

官常典第六百四十八卷

縣令部名臣列傳三

明二

貝秉彝

按明外史循吏傳秉彝名恆以字行上虞人也永樂二年第進士授邵陽知縣地僻民頑前令治尚嚴秉彝獨用寬和民咸愛戴歲餘以祖喪去復丁母憂服闋改知東阿地當衝要素苦使客往來秉彝規措有方民亦不擾有兄弟相訟曉以大義使退思兄弟皆

悔謝歲旱禱雨立應蝗生引咎責躬蝗退散獻議於朝請行平糶法為備荒計帝嘉之下其議為他郡縣式壇廟費舍罔不修舉鄉社亦皆立學時循行田野觀民耕穫驗其勤惰而勸懲之縣西南有巨浸每春夏霍潦氾溢為田害秉彝欲開渠納諸大清河條佐持不可曰法不得擅役民秉彝曰吾以利之也有罪請獨任之及渠成得沃壤數十畝流亡來歸者甚衆帝北巡命山東民俱饋餉他邑令皆憚行秉彝獨毅然就道與民相勞苦迄師旋無一民失所性喜綜畫凡廢鐵敗皮朽索故紙悉收之工匠暇輒令覓皮為膠鑄鐵為杵揭紙索為穰貯之庫車駕屢北巡敕使督建席殿悉以所貯濟用民力為舒有薦其廉公堪任風憲者徵命已下書老百餘人詣闕乞留乃還任二十一年三考績最當遷耆老復詣闕乞留詔進二秩仍治東阿民聞秉彝復來惟迎數十里嘗坐累罰役京師時有令役滿即復官民競代其役凡三罰三代之其得民心如此以宣德元年十一月卒官僚屬胥吏及邑中縉紳士民咸哭之慟議置葬東阿其子固辭乃已

錢本中

按明外史循吏傳本中武進人讀書通法律舉人才歷知故城元城兩縣有治聲改知吉水豪民宿吏素為民患者捕其魁徙遠方邑中肅然新墮地學舍集諸生躬為教督旌別勤率政務清簡不任刑有盜聚山谷時出寇掠郡守議加兵本中單騎詣賊壘曉以禍福咸相率縛賊首自歸本中勵清操門無私謁妻子女衣蔬食裁足朝夕以誹謬罷官父老奔走號泣

乞留不獲郡人胡廣時在內閣力保之得還任民聞本中復來空閭井迎拜如見父母以末樂九年二月卒民哀慕而葬吉水爭負土營葬焉

胡壽安

按明外史循吏傳壽安字克仁歙縣人建文中舉於鄉入國學歷事吏部授信陽知縣調復鹿並有政績以內艱歸末樂十一年服闋起補新繁首延父老詢邑中利弊而罷行之每歲春躬行原野勸民耕植遇田畝荒蕪或廬舍圯壞者輒詢其窘之所由爲之資給常舉宋陳襄教民格言勸導民間子弟多權然從化歲久旱田疇盡裂齋戒禱神大雨霑足性淡泊衣糲食如未仕時寢處止一紙帳後圃種蘆菴數畦使車往來採以供客或充餽遺禮其子來省兩月烹一鸚鵡壽安怒譴責之其子後亦率化三宰大邑未嘗攜妻子或言公之名美矣奈妻子何壽安笑曰吾輩讀古人書疇不思建立名節及登仕版以玩好聲色敗者衆矣矧婦人女子其性猶水一以金珠錦繡誘其心彼將欺我而竊取故不欲其爲身累也聞者以爲格言十五年考績赴京民遮道泣送者千數事竣遂告歸

石啓宗

按明外史胡壽安傳壽安同時石啓宗江西樂平人以薦舉爲歙縣知縣守官廉謹人莫敢干以私而臨民平易不尚威嚴尤善決滯獄人稱神明歲旱禱之即雨及蝗生祈於城隍神蝗盡殄歲屢有秋小樂業以示樂六年卒官人咸哀慕

余覽

按贛州府志寬字仲仁贛縣人末樂十八年庚子以鄉薦授浙江金華知縣景泰初復除福建沙縣時因鄧茂七之亂邑遭屠燼百里盡爲榛莽寬至無屋可居風餐露宿日焦勞於荆棘間設中撫卹瘡痍招集流徙重建公署收拊枯骸鎮守刑部侍郎薛希蓮一切倚賴之寬亦殫思竭力爲之經營料理已而民瘼漸舒流亡漸反閭井舊觀粗復父子妻孥始得保聚鄉土而寬以勞瘁卒於官所謂以死勤事者百姓悲號如喪考妣見祠邑之名宦

范衷

按明外史循吏傳衷字恭肅豐城人末樂十九年進士除浙江壽昌知縣公正仁恕民情翕然闢荒田二千六百畝興水利二百四十有六區境內大治正統五年三考報最當陞擢邑人頌其德政丐畱御史嚴實以聞朝命許之尋以外艱去服闋起知汝州亦有令譽居官以清節自持惡衣惡食妻子告乏亦不顧吏部尚書王直察舉天下廉吏數人衷爲第一性至孝廬父墓瓜生連枝有白兔三常馴伏墓側鄉人莫不高其行

俞益

按明外史范衷傳衷同時有俞益者餘杭人末樂二年進士時方博徵名儒脩末樂大典益與焉書成授靖安知縣廉平爲治上下安之親喪服闋改知潛山其地僻陋鮮學者躬爲教督勤於民事拊循有加兩爲縣令垂二十年持已愛民始終若一其學長於春秋屢分考鄉試會試明於鑒別以宣德九年卒官貧無以斂吏民哀慕而助給塋

葉宗行

按明外史循吏傳宗行松江華亭人末樂中東吳大水松江尤甚以黃浦下流壅塞水無所歸宗行上書請棄故道濬范家港引浦水入海禁民無私作壩以遏其流帝善其言命往從尚書夏原吉相治事竣原吉薦其才擢錢塘知縣民困徭重宗行定法律俾民自占甲乙書於冊循次役之遂均調訟稀簡不尚威嚴未逾年翕然稱治一日庭前有蛇蜿蜒若有所訴宗行曰若豈有冤乎吾當驗之蛇徐入餅肆爐下發之得屍乃肆主利其財而爲之者遂伏辜嘗行江中忽舟重不能進視之有屍掛於柁蓋里中人殺而沈之者亦捕其人抵法仁宗在東宮聞其名戒所司不得輕侮按察使周新風采嚴峻獨重宗行嘗候其出潛至邸舍視之惟銀魚一裹他無所有新歎息攜少許去明日召宗行共食曰此君家物也飲之至醉用己儀仗導之歸時呼爲錢塘一葉清十五年營建北京宗行督工匠往役卒於途新聞之悲悼累日爲文以祭錢塘吏民無不歎息泣下者

徐士宗

按明外史循吏傳士宗浙江山陰人末樂間爲貴溪知縣適縣圯於水士宗夙夜經畫重建縣治學宮及諸公廨下無所擾民困積通奏請徵布以舒之田疇衝沒者奏蠲其稅歲旱露跪以禱饑則設策振救數年田野盡闢戶口日增治行冠於郡宣德六年三考俱最民惟恐其遷去羣走京師丐畱帝嘉之命增二秩還任

孫浩

按明外史徐士宗傳浩未樂中爲郃陽知縣遭喪去官洪熙時陝西按察司言浩前爲郃陽撫字不怠廉公有爲吏畏其威民懷其惠今所屬咸寧關知縣必得如浩者方能稱職乞聖恩調任宣宗嘉歎即命起復赴咸寧浩果以稱職聞起擢辰州知府

薛慎

按明外史徐士宗傳慎知長清大得民心以親喪去洪熙元年九月長清民知慎服闋相率詣京師乞再任吏部尚書蹇義以聞且言長清別除知縣已久卽如民言又當更易帝曰必其不如慎故民復求舊國家置守令但欲其得民心苟民心不得雖屢易何害遂還之

吳原

按明外史徐士宗傳原知吳橋有異政洪熙中以九載考績赴部縣民八十餘人詣闕言原勤於撫字賦役平均民生樂業乞畱任帝卽從之

陳哲

按明外史徐士宗傳哲爲博野縣民大愛之以舊官還職解去宣德元年部民懇訴於巡按御史言舊官才德不逮哲遠甚惟哲有父母斯民之心乞還之博野母令小民失所御史以聞帝亦報可

暢宣

按明外史徐士宗傳宣知秦安以母憂去民羣訴於副使鄭堃言宣爲政廉能撫民慈惠科徭平流徒復訟獄清簡盜賊屏息倘別除他官民將失所堃以聞仁宗命服闋還任宣德改元宣服闋吏部以請帝曰民欲之監司言之固當從况有先帝之命乎其卽還

之

劉伯吉

按明外史徐士宗傳伯吉知碭山有惠愛以親喪去及服除碭山民守闕下求再任吏部言新令在碭山已二年矣帝曰新者勝舊則民不復思今久而猶思其賢於新者可知矣遂易之

孔公朝

按明外史徐士宗傳公朝未樂時知寧陽清廉直幹惠綏小民民深戴之坐與同僚飲酒忿爭並遭戍部民屢叩閭乞還皆不許宣德二年詔求賢有以公朝薦者寧陽人聞之又相率叩閭乞再得公朝終惠百姓帝顧吏部蹇義曰公朝去寧陽已二十餘載民數數奏乞不已此非良吏耶可卽與之

郭完

馬旭

楊信

李禧

王黼

張庸

按明外史徐士宗傳完知會寧潔廉正直一志愛民嘗責一奸人反爲其所訐遂被逮里老三十餘人走數千里伏闕下訟冤乞還完終惠百姓帝亦報許其他若內丘馬旭桐廬楊信北流李禧洋縣王黼保安張庸復鹿吳輶遵化李信扶風宋端皆以九載奏最爲民乞畱卽加秩久任以故吏稱其職民安其業循良之風於斯稱盛焉

吳祥

按明外史史誠祖傳其時縣令以久任得民者有吳祥蠡縣人未樂中知嵩縣爲政寬和流民自歸者二百餘戶境有猛虎劫賊爲患祥虔禱於神未踰歲獲虎二十餘賊亦散去宣德五年三考績最當遷民羣

詣闕下丐畱詔增二秩還任其後屢考屢畱闕三十二年而卒邑人莫不哀悼

陳奐

按江寧府志奐字聚全慈谿人未樂中知扶溝有善政權督府都事以赤縣煩劇須幹理吏乃改上元奐被知遇自奮勵月縣中大治有婦與外遇而殺其夫者將殛奐免於喪所擒婦詰問得實誅之人以爲神後改刑部主事仁宗監國時素聞奐能及卽位奐入奏事迺謂曰此上元陳知縣乎其受知若此

萬壽

按吉安府志壽字季丙安福人宣德五年庚戌進士授陽朔知縣陽朔地僻陋壤土雖沃腴而惰於耕作壽至乃令民墾土田春耕時具酒脯躬自勸勞山地則令樹藝麻粟木棉婦女教令紡織由是陽朔遂爲富邑又爲新學校選秀民躬爲訓課嫁娶葬祭教之皆有品節民俗丕變山峒夷出掠當道議舉兵將株連良民壽力陳願以身保民無他活數千人去位陽朔民立祠祀之

齊直

按兗州府志直隸縣人洪武乙卯舉於鄉官德間擢宿遷知縣寬廉平易興學勸農未月民相率趨令邳州有張氏以種瓜爲業一夕爲人刈其苗始盡訴於直直曰汝有雛家乎曰李榮與予舊有怨直卽召榮及瓜田四鄰收其鎌鋤數十事雪之獨榮鎌味腥苦榮遂辭服州民張謹妻朱氏晝失金環叙釗六事爲姑所撻幾死其兄弟訴於直直召朱氏問曰是日往來者何人曰有出嫁小姑并鄰婦三人卽日召

四婦人至則以布業其面坐之帳中使各伸足帳外令隸曰此是盜金環者取大杖杖之一婦即縮其足出而詢之乃小姑也一鞠即服鄰境楊氏兄弟五人爭產訟經年不能決越境來訴直命跪庭下累日引古人兄弟友愛者反復開諭之五人感悟請不復事上元縣人有囊鈔五百貫爲人盜去訴於直直曰汝何所見答曰只枕一石他無所見直曰奈何令人取石入城隍祠決而求之復以其狀焚於祠下人爭趨觀密令隸數人聽察衆中又令二人立門下凡觀者出入皆索鈔一貫無鈔者不得出有二人私相語曰我知盜囊鈔者出此我與汝即其門道其故彼懼而分我則已隸輒執之遂得盜鈔者其理民訟多類此正德元年卒官邑民老幼擁扶哭於縣門相屬不絕有送喪至縣葬畢而後歸者

王彝

按寧波府志彝字友倫鄞人宣德中令仙遊先是邑人積苦征徵多逋負者彝至撫字有方科差不擾首奏免小嶼寨土兵之役乞鄰邑助楓亭驛廚傳之供計都里以均坐派條征輸以完積逋民漸復業政既成自解治壇壝以及倉庫門路悉葺治之民不知有役也比三年卒於官邑人愛慕不已立碑頌德建祠祀焉

祖述

按蘇州府志述字尚賢宣德時人以福建參政左遷嘉定縣令悉心民隱每朔望必集父老諮詢邑中利害又建議以邑之邊徼田囑於海額賦無從出宜獨歲辦漕艘若干民苦督責不支多竄徙者宜罷奏上

皆報可境內之水爲潮汐所淤不比不登六年間次第盡疏時簿朱誠有廉名爲好黠吏所誣奪官特爲奏雪而擒治誣者故僚屬競勸俗用丕變焉

郭南

按明外史循吏傳南正統初爲常熟知縣勤敏善理劇甚得民心民素患差徭南召父老諭曰令爾輸米四石準役一歲可乎父老頓首曰往者一歲之役費至五六金今如明府言止一金耳奚不可乃爲倉貯之以給役費歲終鈎考費止三之二遂減下歲之輸民益歡悅僚屬有事於鄉者嚴與之約以食物隨行過其即繼之俾勿擾下其惜財愛民皆此類也縣產軟栗南食之而甘嘆曰後必有以此進貢者爲吾民永世害矣命悉拔之十二年以老致仕父老及宦於朝者交章乞南還任英宗許之

張璟

按明外史郭南傳璟沁州人正統元年知平山縣善撫字訟簡盜息戶口日增乃修學廢墜學校壇廟官廨無所不新而民不知勞九載滿士民留之爲進秩復任景泰初母憂去又相率乞留命奪情視事久之卒官士民哀號罷市

徐榮

按明外史郭南傳榮知藁城有惠愛以親喪去官既服闋藁城耆老百餘稱榮廉勤奉公吏民畏服見在縣令昏耄不任事乞還榮藁城終惠百姓詔下御史覈實乃還之景泰初九年秩滿部民復狀其善政乞留天子亦報可

何澄

按明外史郭南傳澄四川人正統初爲安福知縣廉靜慈祥外若無爲而內有區畫巡撫趙新以爲不勝任奏除代之部民不服走懇憲司弗納乃相率走闕下陳澄善狀乞留詔下巡按御史覆覈果若民言乃令還任澄既還築寶陂浚渠道復密湖之舊水利大興去弊除患如治其家民大愛之秩滿當去侍講劉球爲民代請乃復留

田玉

按明外史郭南傳玉內江人正統時知桐鄉善恤民隱有實政時浙閩用兵徵需繁重玉經畫有方民以不擾及丁父憂縣民訴於上司乞奪情視事朝議不許既服除縣民復以爲請巡撫周忱亦奏保帝乃可之當是時英宗承仁宣之後加意吏治長吏優治行爲部民乞留者率從其情或增秩久任或即行超擢其坐事及遭喪去者部民保留亦輒報可

葉騏

按明外史貝秉彝傳秉彝後有葉騏者亦爲東阿知縣有賢聲正統三年以九載考最入都縣民羣列其善政乞留下所司核言皆有徵乃可其奏

胡濟

按廣西通志濟字孟時南海人洪熙初御史胡啓先以賢良舉授廣西布政司檢校正統三年僉事王凱以廉介薦知理定縣招徠流民復調平南縣界藤峽猖獗不時侵掠移竄者多濟築城衛之民始奠居九年總兵官韓觀征勦藤峽大同明化二里民多就俘者濟力爲辨釋蒙活者二千餘人民懷其德以疾卒於官

宗顯

按寧波府志顯字必彰正統九年舉人任宜興知縣辨察民冤一介不取人呼為宗青天為之語曰二三萬戶皆傳說八九十年無此官陞順天大興知縣廠衛官校見其清苦亦不忍犯還南京都察院經歷

王獻

按懷慶府志獻字文縉河內人正統間以舉人為山東嶧縣令廉明仁惠興學勸農嶧土瘠民多通敵給牛種課其勤惰招撫流亡復業者萬餘口教民戶種桑果百本婦女歲蓄百八十斤以時單騎檢民間違者咎比三載田皆可耕戶皆可賦教民如教子弟不可犯然重朴責民不若教者初犯紀其過釋之再犯詬訾之三犯懲有差禱早輒雨祝蝗蝗不入嶧界鄰封沂州民請為沂牧滕縣民請為滕尹嶧民恐叩闕籲留者千餘人丘文莊商文恪素昧平生以詩投贈焉任嶧十八載以疾歸嶧民輦粟資其家不受比卒祀鄉賢後數十年滕之黃中色為河內令曰賢如王公奈何不尸祝之捐金建祠北郭歲時致祭

甄鐸

按開封府志鐸字文振祥符人性剛方雅尚志操正統丁卯貢禮部景泰中授定興縣令縣密通京輦號難治下車勸鋤凶頑撫慰良弱節縮浮費不逾年政令大行定興邑小路衝先是走遞馬匹及櫃杠什物堆聚縣民力疲弊鐸立法編定排甲班次分番走遞合用櫃杠弗泛給由是民乃寬舒邑中一二點豪昧結京中要官為親識素與邑令抗禮相往來通餽遺邑長皆折節下之鐸峻拒裁抑有犯則繩以法點

豪大肆詆誹煽搆成獄定與民無男婦少長殆千人伏闕聲其冤乃準行勸使者密受風旨以威嚴臨之欲其誣服鐸神色自若使者恍惚問若聞空中厲聲曰鐸好官汝宜存公使者乃虛心鞠審事得白復補文安乃分上中下三等躬親察驗賦役均平又教民種桑果今蒼鬱成林父老指示幼者曰此甄公桑果也其遺思在民如此秩滿致仕得請即行囊橐蕭然至無以代步民涕泣攀送乃各出贖市一馬乘之歸鐸曰吾抵汴即遣還民或有未信者至汴果遣馬歸父老咸歎服以為近代未有也

劉諒

按興國州志諒字守貞宣化坊人景泰間以國子生授鹽城令一以誨士課農為務歲值蝗禱於城隍悉赴海死旱禱雨兩輒應境內一村獨不雨遣使廉之得妻殺夫故人九駭異時准賊喬亮猖其當道捕不獲責諒捕喬聞自投解曰母累仁賢父母當道獎為准之治行第一

吳淪

按明外史循吏傳淪字源深增城人第天順四年進士除弋陽知縣募古循良風日集諸生講道助其不給置義倉儲粟萬石周民憚獨中官鎮守者苛斂不經他人莫敢抗淪獨每事救之曰寧我受譴毋虐細民歲旱徒跣禱烈日中雨即降民聞利弊興除殆盡而自奉泊然一介無取民戴之若慈母成化三年撫按官舉淪治行尤異賜封救獎勵及其父母久之以御史陳還薦遷饒州府同知

蕭昱

按紹興府志昱字用光山陰人授貴溪令以簡易慈愛為政民其德之誦丁母憂復補高密初民困於征輸皆相率亡去昱至後征發漸減流徙漸歸密地當沙河下流漫流殺稼昱治塘浚溝取南人木耕法教民濱海為田立均徭九等例撫按取其式頒之通省政暇親課諸生朔望集耆老於庭導民孝弟卒於官民傾邑哭送有及淮而返者兩邑皆祠祀之

白晏

按濟南府志晏字彥和保安人天順間為陽信丞謝絕私賄創常平倉恤流務息訟獄弭盜賊勸輸通賦歲早步禱蝗不為災居官五載歲稔民和乃告其僚屬廓修廟學都憲年富稱爲治行第一既而令缺男婦八千餘人詣闕奏請遂降陽信知縣為令九年化美俗淳幾於刑措增里三十有六增戶四千一百增丁一萬三千二百案室學官以延多士成化弘治間陽信真儒輩出若李通唐愷韓荆毛思義董琦諸人有名當世晏之力也

余金

按蘇州府志金字貢之內江人成化初以進士知長洲羣吏作奸金以理教誠不率者稍加懲艾民多許金不設餉距一以公議裁決無容心計者謂不可欺亦不可犯猶引去其終訟者轉詣上司上司曰汝有賢令毋庸至我其人亦解散徭役丁夫每思爲下人顛倒金置手籍默視始得其平來夫富子不少假借謝絕請託防戒家人甚嚴不得輒至中門常見凡有紙畫數幅乃其子購之他地者悉焚之十年爲監察御史

王秉彝

按靖江縣志秉彝字好德已縣人成化三年以舉人授江陰令時驥沙未設縣民困於賦役秉彝時乘舟至止掛循安輯量沙之漲坍用甲之義補乙之缺積通始清輸糧涉險者計銀布抵之招流亡緩積負助穀種贖子女資婚葬三年間往返風濤中無恙既議置縣又履畝祭土定賦令可爲世守迄今邑之征科皆其制也靖再易令民懷之不忘立去思碑郡志載秉彝爲靖邑名宦之首

唐溥

按廣西通志溥字文溥全州人成化四年戊子鄉薦授四川巴縣令民有兄弟訟產者責以大義遂相讓或訟貧不能婚溥給以金訟竊衣訪迫於寒給衣遺之相地築塘堰凡百有七十所巴人賴之

周磨

按武進縣志磨字克禮成化十四年戊戌進士授福建莆田令再任浙江味縣俱以憂去服除改江西萬安縣以剛直忤郡守調福建永春除豪強清通賦決淹獄擒巨盜下至橋梁道路纖悉不遺民甚德之一日值歲除磨晏坐齋閣忽蛙鳴於庭逐之復上磨嘿念蛙非時而鳴其有冤乎因起跡之蛙投入道傍舊井中磨遣人發掘有枯骨釘貫其顙悉心推求得殺人者主名寘之法邑人爲青蛙記神其事陞太僕丞卒於官

丁積

按明外史循吏傳積字彥誠寧都人成化十四年進士授新會知縣至卽師事邑人陳獻章尊其所聞而

行之其政以風化爲本而主於愛利不憚權貴中貴梁方者新會人也其弟長橫於鄉既重責民逋復訴於積積追券焚之且收捕繫獄由是權豪屏迹見俗尚奢侈甲洪武禮制參以朱子家禮定爲中制擇者老誨導月朔進問於庭優禮其能者而懲其不率者嚴賭博竊盜之禁榜門示恥良家子游惰不事生業者聚之廡下使日誦小學書親爲解說冀變化其習謹祀事性性酒醴必極精潔肅然將事若神明陟降然故事民出錢輸官供役名均平錢其後吏貪復令甲首出錢供用曰當月錢貧者至鬻子女積一切杜絕甲首輪均平錢畢即歸田無復事歎若更俗信巫鬼爲痛毀淫祠常以辨冤忤上官下之獄民號泣欲爲督解積書示之曰心苟無愧禍福非所圖慎毋重吾之不德久之事亦解十八年大旱築壇於圭峰頂斯夕伏壇下者八日體慙甚雨亦大澍然積自是得疾遂卒年四十一士民相聚哭於途有一嫗夜哭極哀或問之曰來歲磨甲首丁公死吾何以聊生其德化入民如此相與祠之

章忱

按明外史循吏傳忱會稽人成化十五年由進士爲臨城知縣首召民隱凡民所欲惡以典與除一以愛養休息爲務歲大饑民多流竄忱招徠撫輯給以種食而免其征徭歸者接踵久之旁邑流民願附籍者亦數十戶畝券稅牒有久不別白者悉爲條格以清其欺隱城北泥河出源泉流甚博豪民據之罔利忱率衆築堤引水灌苗又教民爲桔槔以濟高阜邑自是有水利鄉鄰舊無醫藥有病詣事禱視忱檢方書

修藥餌施之且諭以醫勝緩急全活創社學及陰陽醫學郵傳養濟院各一所皆不勞而事舉暇則督課諸生訓以孝弟忠信之道歲春令民會男女節其婚嫁之儀不得論財賄民是以鮮怨曠訟者至爲明示曲直勸以講信修睦多自慚引退上官非公事役民忱堅不奉令亦終不能害久之遷太僕寺丞去士民爲立去思碑

余泰

按延平府志泰將樂人成化十六年庚子舉人知廣東興寧縣寧民尚爭交相攻訐有經十餘年不決者泰至廉得其情數日剖之殆盡未縣令顏哀主簿徐千能同死節爲之考證誌載立祠率父老祗謁民始知義生員薛緒王天與被誣久繫爲之申釋緒得復廉膺貢天與後登科第士氣益振鄰封龍圭石馬二洞舊成與賊通隱爲陳利害洞賊帖服其恩威並濟如此後無意仕進乞休歸杜門不出卒年七十二有春庵文集藏於家

周洪

按武昌府志洪字廷諱直隸上海人成化十七年辛丑進士明年銓知蒲圻督農種粟蔬麥植桑麻令婦女業紡績治絲枲土田高燥者造筒車灌漑民賴以足衣食又置號房及各鄉社學每學置田三十畝令生徒父母合力耕收以爲教讀學傳創義倉六所儲穀三萬石至正德初邑大旱民賴以生邑有大奸頑大書其門雖權右不避民大感化徵拜監察御史

徐恂

按蘇州府志恂字信夫嘉定人成化十九年癸卯舉

人知嶺縣課最改知南靖值海寇薄境拘至環柵爲
學募民驍勇者教之兵振甲以戰俘斬數百人餘衆
遁去捷聞有綵幣之賜竟以勞悴卒於官縣故有過
山錢爲民患恂始裁罷未及著爲令卒之日民感泣
曰過山錢又自此始矣

高瑞

按廣東通志瑞閩縣人成化十九年知番禺縣爲政
先風化後傳書節財務義以身倡之且廉正有威人
自不犯縣左有權倖所創寺僧不敢杵鐘權倖問故
曰畏高耳明日僧逃去權倖尋亦撤鐘布政使陳選
每嘆賞曰古循吏弗過也瑞母誕日選爲詩贈焉市
舶太監章眷家人不法選籍其私貨諸司無敢收者
瑞請以身當之盡沒入庫權貴爲之奪氣未幾春詔
奏選被逮瑞亦落職束書數篋角巾飄然去士民泣
送者幾千人

王縉

按濟南府志縉大同山陰人成化十九年臨邑知縣
指天自誓保護百姓課民間藝桑蠶織傍邑有誣服
巨盜直指以屬縉訊無左證意不欲株累平民乃
極爲囚原直指復屬他令治是獄論死者若干人直
指遂大器他令而劾罷縉未幾眞盜坐他獄殺人事
發案前獄各有據當事乃大直縉錮他令級於時縣
人稱爲王佛又曰鏡王謂慈而且明云

楊護 梁儉

按明外史循吏傳護象州人儉泰和人成化中相繼
爲臨高知縣臨高隸海外瓊州爲長吏者率無善政
兩人皆廉明寬仁恤民如子父老謂自來縣令無如

此兩人者護承累任苛虐之後一反其所爲然事至
能獨物無過情訟非大事還歸令更思多感悔中止
獄無滯囚吏不敢需民一錢其初至若無甚殊異行
之數年民俗大安後遭議去職儉代之民戀護如慈
母縉者填門辭之不能止儉歎曰吾當屈楊君以慰
吾民之心乃置一冊門下命縉者書名須臾冊滿持
以示護勸納之已而就道縣中老穉送三十里外至
舟次者殆千人儉益嘆異歸詢左右悉循其舊無所
變異民愛戴一如護訟者至但批牒尾付之令自呼
被訟者無不如期至終不遺一卒擾民秩滿赴京考
績還渡海舟覆溺死縣人聞之若喪考妣爲結魂帛
相率赴海濱招魂迎置縣中朝夕哭奠且循俗禮脩
七七齋以報德其獲人心如此自兩人後無復有善
政可稱者矣故臨高民益頌兩人不衰

王琬

按襄陽府志琬字朝用吳縣人成化間以監生爲光
化令荆襄居湖南之奧土曠山深四方流聚所在以
千萬計時劇賊劉千斤作亂朝廷命將出師勦平之
流民散山澤尚多執事者慮復生變議盡驅出境至
繫其奴火其居琬在光化獨事招徠與上官忤既而
朝廷遣都御史原傑來撫安琬乃肩輿入山論以威
德編爲里社緩其賦役民遂帖然無異土著選其俊
秀爲弟子員躬臨考校以示勸懲募壯勇以爲民兵
俾習射用銀錢爲中的輒與之民益翕然思奮上官
主驅逐之議者滋不悅願以爲迂兵革之後公私並
至疲憊未甦中貴銜使命往來太和徵求需索殆無
虛日琬曰剝窮民媚嬖倖圖苟容吾不忍爲遂棄官

歸

龍籍

按廣西通志籍曲江人領鄉薦成化間知容縣值寇
劇民多流散籍開險設略嚴管戍卒捕禦民賴稍甦
邑自洪永間屢經兵變供賦不盈舊數之牛民病額
輪多鬻妻孥填溝壑者籍甚哀焉乃率里老赴闕奏
請惠廟憐之下鎮臣韓雍勸籍檄柳州府同知金廷
璽梧州府推官鄭義冠收數實得停征糧米五十六
百七十餘石比舊額蠲五之三自是民稍不困征斂
多復故業

許潛

按廣西通志潛詔安人成化中令平樂單車之官孚
華指循時呵驅出沒徵調煩苦潛躬詣諸峒徇諭以
恩信稍稍斂戢民有訟田數年不決餽金求直者潛
撫然曰以某之門而猶有賄是行不信於民也閉閣
累日其人惶懼伏罪在事三年無餘貲卒於邸太守
捐俸治喪民爲罷市

馬成

按祁陽縣志成四川人以明經任祁陽令清慎和易
民戀之如慈母秩滿九年應遷秩去百姓赴闕乞留
憲宗時準復任三年前後十二年治績至今誦之鄉
民中有至老不見官府者一日偶至縣庭長揖不跪
左右叱之成歎曰使吾民皆如此胥與葛天氏遊矣
禮而遣之

金洪

按靖江縣志洪鄞縣人以進士弘治元年爲靖江令
強明果決事無鉅細一覽無遺情愾胥老猾不得刺

手有潘蠻兒者掠婦而殺其夫潛埋之逾年無知者洪勸農至其處忽焉驚洪知當有冤命起視果得屍蠻兒伏辜靖俗尚祀禱貴巫賤醫病者多橫死洪為毀淫祠施善藥全活甚衆時部檄督積道甚峻至有田已圯而賦仍如額者民嗷嗷無訴洪為之斟酌通變賦他田之新漲者以充其數又勸民墾荒而寬其租其開田多者令得以贖學自是苗畝日廣民以殷富時西北軍興告急大司徒征常平穀於諸郡邑所在驛驛抗言靖新造多饑民存活之不能安所得餘穀遂獲免范任三年典學造士設津梁疏水利奠民居飭官署無寧暑調吳江令去

辛洩

按武昌府志溥字希廣直隸廣德人由進士弘治二年己酉任嘉魚令才高器邁爬剔蠹弊條為規畫巨細畢舉又以邑治濱江水數為患乃自百正山修長堤至三角鋪二百餘里以捍漲溢地方賴之又修學養士文教率興民歌其德祀名宦

方溥

按延平府志溥新城人弘治九年丙辰知九溪豈弟舉易不求赫赫聲民有冤必與庭辨訟至諄諄省諭不校乃實諸估已苦盜捕磔之整活水石亭祠韋齋新城門樓棉諸所造作民皆懽趨終任不見惡聲屬邑人稱長者

張時孜

按寧波府志時孜字惟善鄞人生有異質甫成童即能詩比長沈潛經史舉弘治十二年己未進士知東莞以憂歸既又改令梓鄉梓鄉故湖邑吏弊蠹叢紛

不可理又屬當孔道冠蓋襍還縣令日策馬往來迎送無已時時孜至獨簡於迎送略其餽遺日較簿握算搜剔殘蠹窮宵旦不休或諷其自為計則應曰夫吾身易逸耳萬民寄命甘苦休戚誰當恤者且財於民甚急也凡所為厚遺達官將以微榮耳榮不榮於吾身甚薄也吾縱不能子視吾民獨奈何以其所甚急易吾所甚薄者耶卒守之不變愈益勞不休乃裁冗費鋤豪惡毀淫祠興學校平反冤獄布德施惠與民更始會天旱雨雨雨雨雨而至時靡舍有蓮一幹雙葩人以為異感云時孜稟故廩也日勞公事又薄於自奉久之困不能勝則曰吾有三不足饑不遑食倦不遑寐垢不遑櫛浴竟坐是病比入覲已不能支猶與僮僕共粗糲至不能具安車病甚竟死萍人戶德之飲食必尸祝曰生我者張公也已乃祀之學宮

王術

按蘇州府志術字用仁弘治十二年己未進士其治嘉定常先教化勤於簿書經畫具有程法縣故有積荒田千頃賦無所出乃設法招徠及勸有力之家計畝開墾復巡行補助流亡漸復歲賦以充其催科首製青田尤為民便又築海岸萬丈遍濬河渠邑無水旱之災捕卒或誣怨家為盜逮繫甚衆故緩其獄竟得真盜所誣盡釋

劉田

按兗州府志田字伯耕約之長子也為人俊爽玉立豪右魁壘少所折節而孝友慈祥萬然篤至過絕常人年二十餘中弘治十八年乙丑進士授元氏知縣為治嚴明不阿權貴時劉瑾用事遣中官二人刺事

畿內所至長吏皆郊迎謁及入元氏坐傳舍召令田鶴車雍容傳呼而入二人不為起田厲聲曰咄爾胡不為長者下坐二人大愕起呼其徒欲辱之田前提其一人擲堂下名吏縛送獄曰若刺事郡邑奉何詔旨吾上書請之矣二人大困蒲伏求解久乃得去走白真定知府知府大恐以千金為謝不使知也時郡邑多獻生物元氏人得白兔送邑僚佐大喜以為奏當受賞前賀令田笑謝之乃置酒召丞尉博士飲酒三行奏災起屬客曰諸君噉白兔炙否此乃是也丞以下愕不能對田笑曰諸君樂飲耳令豈獻白兔者已召為戶部主事稍還員外郎正德丁丑命督江南漕運時漕政久廢有司催科後期而軍衛尉士多所需索吏毋敢答其一卒田悉繩之以法如期而竣年三十九卒官今祀學宮

徐讚

按末康縣志讚字朝儀末康人登弘治乙丑進士知襄陽縣劇賊劉六等流劫郡邑讚繕兵城守先事為備賊不敢犯民饑捐俸募粟作糜食之富人義激爭先發廩所全活以萬計陞山西道監察御史

劉紘

按江陰縣志紘字景瞻安福人忠懸公球四世孫治春秋有名弘治十八年乙丑進士正德丙寅知江陰為人身若不勝衣言若不出口至其所當為無衆寡大小皆能任之初下車海寇施天泰擾境紘首科丁壯為備卒不敢犯堂左右立二廚分收案牘日以大發視決遣而謹其局鑰定擬賦役審視必再三勾稽里書飛詭之弊毫髮無隱奸民以蔽賦輸者若干輩

吏就就知行冰上肯詣學視諸生業且問興革所宜
燬淫祠妖像收巫師以祛大惑愛民惜費至轅堂食
錢益賑恤最聞徵爲南京戶科給事中壬申六月俄
被錦衣逮先時絃以職事入朝道淮陰有巨壻猝至
絃從子持慶守淮安持慶方侍絃語未暇省壻瑣怒
即騰章誣詆持慶併中絃獄成持慶坐免絃得白還
任然因暑致疾竟不起年三十六江民思慕之祀於
學宮

殷雲霄

按兗州府志雲霄字近天壽張人第弘治十八年乙
丑進士正德辛未授靖江知縣明察有斷不勞而治
薊盜渡江掠常州將至靖江謀知有備乃如江陰遂
發兵追之江陰得先邑民朱暄死於文廟西廡莫知
殺者忽得匿名書曰殺暄者某也暗素讎某衆謂不
誣雲霄曰此嫁賊以緩治耳密問左右曰與暄狎者
誰對曰胥姚明乃集羣胥於堂吾欲繕寫各呈若字
明字類書詰之曰爾素狎暄殺之何也明大驚伏曰
暄將販於蘇獨吾餞利其貨故殺之耳置明於法調
知青田考績詣闕民號泣送之選授南京工科給事
中無何遂卒年三十有七

曹祥

按明外史循吏傳祥字世奇太倉人弘治中舉鄉試
念母老就建陽訓導遷懷安教諭居六年除浙江新
昌知縣爲治洞坦不設鉤距訟者片言而決或撻之
至十輒止摘訟師尤無良者逐之境外俗苦嫁女生
女多不舉祥爲定程式而嚴禁厚嫁及溺女者俗爲
之變比去官縣人之育女者以千數皆攜以送祥祥

築長堤捍溪水取一石最重者自負之曰以吾爲準
自辰至酉罷亦以吾爲準吏民競趨不閱月堤成使
客至不飭廚傳曰奈何疲民以取媚以故過客鮮稱
之仙居應大猷時爲吏部郎獨稱其嚴不苛察不細
峻不激挫不折爲循良第一撫按薦章亦屢上及九
載滿當遷以母年益高不赴部考績母喪終遂不復
仕祥官新昌久多善政然絕口不自言一日有御史
過祥里修刺入謁則新昌呂光洵也坐定自言其父
故邑豪蒙公擢之於市祥色動光洵曰微公教誡吾
父安得終爲長者公去吾邑十餘年士民戴公猶一
日也爲竟夕談而去里居服食粗惡杜門簡出鄉人
莫不嚴重之卒年八十二

樂護

按宣城縣志護字鳴音臨川人弘治中以進士知宣
城縣廉明有幹局饑民相聚爲盜肆剽劫單騎行村
落撫諭之感泣而散因咨訪畫策計口以賑太平鄉
民甲乙相善戲搏擊乙誤中甲甲歸語其妻妻與所
私者夜殺甲誣乙抵死護開牘見甲兩耳後重傷曰
豈有傷若此忍死歸無一人見耶召其妻窮詰之具
得實乙復免入覲遇盜發笞止銀四十兩盜曰久聞
宣城樂青天乃汝耶還而去擢給事中

欽定古今圖書集成明倫彙編官常典

第六百四十九卷目錄

縣令部名臣列傳四

明三

薛球

王翊

方豪

程燁

羅珊

薛瑞

徐九思

林一陽

林功懋

藍淦

龔有成

張淑礪

李書

林騰蛟

王繼孝

孟傲

祝乾壽

金傑

曹自守

樓如山

劉世亨

謝師嚴

龔起鳳

胡友信

王廷華

鄭洛書

高應麟

李夢周

唐音

陳文

張淳

周諒

張道

朱廷益

萬思謙

郭懋

沈應乾

樊垣

李繼業

黃尚質

黃嘉賓

朱衣

王用章

向光振

曹學參

許承周

張師載
李有朋

林會春
李華春

官常典第六百四十九卷

縣令部名臣列傳四

明三

王翊

按開封府志翊許州人正德三年知安平先是民多爭訟邑令弗能折輒訟之府故府檄勾稽無虛日翊隨剖折曲中其情府由是無訟者雖鄰邑求直當道亦往之乞下翊其明斷類如此視學政久弛風化漸漓乃圖修舉自齋堂號舍廟廡門垣次第加繕又自教事常規外別為私程以課進修政暇親為解經日移弗倦士始知學邑有社學久為人占翊復之擇師以教朔望考閱以勵勤怠河間真定神武三衛屯在安平軍士相沿不奉約束翊以為既在吾土不從吾教可乎因立屯長編總小甲以聯屬之有頑梗者即繩以法羣盜起畿甸攻城屠邑翊築堤挑塹賊屢窺城身督民兵以死守之擢德州守民遮道攀留共立去思碑

薛球

按江陰縣志球字良贊弘治乙卯以詩經魁己未乙榜為江西安仁令先是縣無城土寇竊發球屬耆老捐帑鳩工三閱月而城成因募義勇繕甲兵備偵探先自固其圍後率眾搗賊巢斬首千餘眾黨解散事聞詔書褒之時上官書彌盜策欲割三縣地更設一城安仁應割三都既奉旨而球申文力言不便復面陳利害因得寢合境免驛騷旋丁內艱扶視歸行李仍之官時兩敵窺服闋補中州通許令剔弊釐奸豪右斂跡卒以見掣權貴投劾歸凡三仕未拓一橡一畝

方豪

按蘇州府志豪字思道開化人正德三年戊辰進士知崑山適己巳庚午崑邑大水郭門之外一望巨浸野無炊烟死者相枕豪以民皆逃死不能催征脫冠帶自詣郡獄在獄具奏請如漢文減租兼停一切錢糧俟豐年次第帶征朝廷特從其請蘇松四郡及浙西三郡並免漕糧其疏稿及上撫臣書吳中至今傳誦之明年春雨妨稼會撫臣行縣豪徒步請勘道左陷坎督中民皆奔救哭聲沸地撫臣動容為請於朝又得減半無何以艱去

王廷華

按開封府志廷華涿鹿人歲貢正德五年以輝邑學博來尹扶溝時流寇起河北廷華增築城垣浚隄以為備七年春寇且至當道有區公者懼彈丸不可守檄廷華入行省治兵以他佐攝縣事廷華曰吾受命為邑責當死事却攝者勿來一意為城守計甫三楮未完賊薄城下攻圍三日夜廷華百方捍禦曲盡方

略卒保孤城以勞動卒百姓如喪考妣

程焞

按明外史循吏傳焞字文純南城人正德十一年舉於鄉授景州學正遷松江府教授改鹽城知縣縣濱海民多冒竈戶避徭役嚴正之旱蝗民饑力行賑恤有冤獄論死者十九人為之申雪築堤捍決渠建水大倉便轉運為民興除利弊務殫其力稍遷上元知縣縣居都會民麗政繁權豪多掣其肘焞一意利民無所撓中貴以事至者貪恣甚焞大廉外無他供具中貴怒欲辱之焞抗陳民難威焰為沮民居近孝陵者以誤殺苑中獸罪當死焞白之法官得末減諸散荒錢平市直酌公費後人咸守為法時霍韜官南京尚書有惠政民為之謠曰禮部霍韜天有日上元程焞月無雲言其纖塵不蔽也考滿入都攜兩蒼頭跨驢而行里正知其貧賈八十金追贈焞笑曰好百姓憂父母俄死耶揮鞭徑去

鄭洛書

按松江府志洛書字啓範福建莆田人正德十二年丁丑進士除上海知縣縣素稱難治洛書慈惠明敏凡訟聽自息有不息者召而折之以理平情而退日昃常垂簾屏坐進諸生論經史較其文藝俗多火葬為立義塚以習尚浮靡且婚無載書易速於訟乃品節為式令社學師掌之遂建社學九十六區各建倉積穀準常平法以備賑論次鄉賢名宦營葺社稷壇墀更定邑志以賦法久弊議均田為三則奏上未果行後巡撫林潤定為三鄉本洛書議也洛書嘗謁府還見水次有沉屍壓以石磨密遣人偵之村中民家

有石磨失其牡合之無異攝訊具伏又舟行有焚屍道左者邑甚恐詰之曰吾嫂也數日有以母亡不歸來告因逮前焚屍者鞫其人故無嫂乃告者之母飾金夜行被殺即家發所劫金具在其摘發類如此

羅珊

按延平府志珊南海人舉人正德十二年知永安政先愛民不畏強禦總鎮移文欲開縣忠維鄉鎮人貢迫脅甚急珊抗止之言縣舊無鑛場且今復有詔禁私採以此大忤使者徐俊時俊蓋行賂得牒竟利為珊所沮遂誣計珊殺入總鎮差官捕逮且率黨攻縣門禁辱備至民洶洶曰使者貪利執我廉宰衆易死之俄頃畢集往愬當道珊聲益起薦薦擢去郡人御史胡瓊撰文立石於縣中

高應順

按長沙府志應順閩縣人正德十六年辛巳進士知湘潭縣才鋒剝利流賊數百壘山為砦剽劫村落順以計招其渠魁使入縣習禮約月朔望一至因寒更製稀皮靴狗皮帽以示溫異伺稍懈陰布健兒視靴帽盡殲之洗其黨火其寨邑以無事作竹泉書院暇則自課士為文焉記名宦

薛瑞

按濟南府志瑞長洲人進士正德時知鄆平縣事公廉明決為令稱百時畿輔盜起郡縣風靡瑞修戰具固城守賊連營數十里來攻自卯至哺飛矢如雨瑞號令益嚴賊乃宵遁以異政薦擢及行百姓遮道泣留之

李夢周

按揚州府志夢周字希道海門人嘉靖二年癸未進士授寧都知縣寧都風厲民需最稱難治夢周因其利病以為與革任怨不辭後母有誣于不孝者為之昭雪咸頌其神明士俗好鬼事五王廟歲市子女代牲夢周火其廟併毀諸淫祠人以比西門豹有勢豪橫里中夢周怒置於理籍所奪田歸之民遂為中傷解綬歸子庭槐交河知縣

徐九思

按明外史循吏傳九思貴溪人舉嘉靖四年鄉試久之除句容知縣始至吏民見其朴訥易之甫三日一吏出空牒用印納囊中九思搜得詰其故羣吏叩頭曰此為一親故補牒非賄也九思曰吾不治賄治竊印者耳盡法按之而戒僚佐毋受訟且捕治諸用事吏於是人人懍恐一邑肅然每訟者至必命與親識議和之不得則以理論遣問一杖之數不踰十然於豪猾輩不盡法不止也其催科預為期期而不至始遣里正逮責之終不命一卒下鄉隸卒列庭下如木偶無所資衣食自引去乃平重役定糧籍均轉輸汰浮費事為民便利民大愛之縣當孔道使客日至民不勝其困九思裁額夫三之一馬三之一亦未嘗不給有廢圖數十畝率吏卒芟治蔬果畜雞豚且鑿池種魚取以奉過客一不煩民縣東西七十里為通衢車馬踐踏塵土日積可三尺許遇雨雪泥濘至沒股顛仆相繼九思力節公費瑩以石行旅便之縣有三茅山世宗以奉道教數遣中官方士來設醮費不貲時頗歲饑款民方困九思搜故牘知有鹽引錢向貯於府請出以供貧民不知擾已而歲益稔

穀騰貴九思多方振救一邑以蘇有十七人因荒行劫捕得真之法曰此非饑民乃宿盜也善視諸生貧者資以膏火而不肖者則懲之又疎於事上不為府尹所喜尹所遣胥徒索吏賄不得酣酒詬於庭九思怒執而答之尹亦怒曰是不有我也他日以末康侯之幣徵教讀呂某九思報曰呂某者賈人子不習書不足辱侯聘尹益怒巡撫丁汝夔奉命賑荒所下令闊略不可行九思多格之汝夔愠諸生先見懲者因中以蜚語父老聞之率數千人見汝夔訟九思賢至泣下且曰微徐令吾儕已填溝壑矣汝夔意不可同報遂大哭且詆諸生無恥汝夔意稍解入都語尹尹曰是強項端抗上官為名移之便會汝夔入佐院事奏報荒政判及九思章下吏部核尚書熊浹曰吾素聞句容令賢何顛倒也考功具以先後薦劾上而吏科亦劾汝夔奏報稽延舉刺不當遂坐鐫秩而九思復留積九載始還營繕主事民不忍其去爭迎致於家置酒請教九思曰吾何以教父老惟勤儉忍三字可久耳九思生平不嗜肉惟啖青菜嘗繪一菜於堂曰古人有云民不可有此色士大夫不可無此味自是父老饒所繪菜而書勤儉忍三字於上曰此徐公三字經也

唐音

按明外史循吏傳音字希古武進人舉嘉靖七年鄉試久之謁選得鵲澤知縣地固瘠歲又不登值俺答南侵時嘗警備民益艱音均節裁省思所以紓之而才勵力勤務在必行其志一切毀譽置不問朝議市馬民不願鬻於官他縣多以威取音獨不忍上官督

之急則投効請去民聞爭出馬半日而足其肥好更為諸縣最御史巡鹽者欲為鵲澤劉御史建坊音以時紓緩之御史怒遂責其主吏音遂稱病乞休上官交慰乃強留而建坊事亦止巨猾范項橫行里閭一夕持鐵簡入陳國卿家椎之死淫其少妻比鄰羣起縛之音按治如法頂尋瘐死推官以為疑欲翻其獄音力爭且請斥竟如前擬縣有小寨浮圖二堡上官為防秋計令修之移民入堡他縣奉行至有役民數十里外舍農業捺奪錘者民不勝其苦音念寇騎未必至此而先自擾乃陽示奉行陰緩其期遂獲免巡鹽御史惡言配鹽斤銀縣溢歲額清軍御史覈絕軍產僉民補伍音皆持不行時天子好齋醮巡撫以下建醮呂公祠以祝釐音獨不往音力於事上加意小民尤盡心於獄訟徵斂案無留牘獄無滯囚科徭必均不以貴勢屈法猾胥無所逞其奸以三十一年十二月卒於官槩無遺貲士民莫不哀悼

林一陽

按明外史唐音傳音同時縣令著聲者有林一陽字獲夫漳浦人早有志聖學言動一準諸禮以嘉靖十三年舉於鄉久之授濟南府通判持身方介不為上官所喜論調霍丘知縣縣人素不知學獨好為吏其隸兩都及四方者至四五百輩家居則操縣令短長與抗禮令為所敗者二矣一陽至悉正之士無明師雖習文不知法度一陽親為指授文風稍振地阻山出鐵椎埋攘效之奸不絕一陽患之曉以務本保身之道誠意切至人多從化徭賦故有籍前令受賕行私籍遂淆亂一陽力為釐正乃修學校行鄉約立保

甲革私秤積公廩政教大行士民謂數十年未有也以不善事上官遷王官去既去而民思之立祠以祀者六七所

陳交

按明外史唐音傳音同時縣令著聲者有陳交字汝同常熟人舉嘉靖二年鄉試屢不第以生母老謁選為永康知縣待人以誠吏民化之亦不忍欺邑當衝要郵驛告病交大為裁損民獲安業而使客賁有煩言交亦不顧俗好溺女嚴為設禁賊湯姓者為亂挺身往諭立散其黨疑獄久者多為平反不受勢豪請託坐此中浮言調知典寧地接徭徭時以為患交早駢諭之果魁十餘人率其黨歸命號曰新民歲大旱素服步禱雨隨降他邑皆無呼為陳侯雨上官亦異之建靈雨坊記其事嘗積穀數千石至是出以濟民民忘其饑邑枕山多虎教民編竹為戶禦以樂弩虎俱他徙上官察其廉能數有褒薦竟浩然告歸與寧人作歌頌之家居惟耽嗜經籍益以清德重於鄉

林功懋

按廣東通志功懋字以謙漳浦人嘉靖十一年壬辰進士知東莞縣才識明敏嚴駁胥吏寬恤里甲滯獄積案為之一清嘗權稅番船賄賂一無所受時指揮王寵偕行聞之慨然曰獨文臣不愛錢乎亦峻拒之彝人嘆服為築却金亭有巨寇詐折桂既降而恣橫不俊執而懲之卒斃於獄民稱快焉擢戶部主事歷四川副使

張淳

按明外史循吏傳淳字希古桐城人隆慶二年進士

授末康知縣吏民點連告罷七令淳初至抱案牘尺餘窮之訟者數千人蠅集淳剖決如流事無留滯一縣馴服盜盧十八能飛走白晝攫庫金集兵圍之須臾遁去捕十餘年不獲巡按御史以屬淳淳期以三月月檄數十至可必得也御史目笑之已而檄至淳佯曰盜不知何許人何末康為即末康遜久矣安從捕寢不行其後屢檄應如前盧聞之喜居末康不復避淳廉知盧與吏婦通密呼一隸謂曰爾訴吏負爾錢吾當斷償乃夜召吏曰御史知十八通而婦今拘而夫婦死矣吏大哭乞活淳仰思良久曰汝可以身繫獄自稱不得償隸錢願以妻代繫盧聞必來汝醉之酒吾潛以壯士相隨盜成擒可死也吏如指盜果至壯士乘其醉亟斷手足盧技窮受縛及報御史僅兩月耳御史驚問狀淳曰此巨魁左右皆其耳目前所以屢檄不報者緩之耳御史大喜稱善末康人有睡毗嫌輒誣訟人命淳得其情有訟即單騎驗無實坐之自是無誣訟者歲旱徒步禱三日即大雨鄰邑曠如故初久旱時劫掠公行下令切奪者死有奪米五斗者立杖殺之四境帖然或曰奈何以五斗米殺人淳笑曰固生也所殺者死囚耳其政先德敦復刑罰人咸愛之入為禮部主事

藍淦

按九江府志淦字可虛閬縣舉人嘉靖十二年令湖口素性清苦以課士勸農為務常於夜半微行見二婦績久而饑計家中無可為食獨有酒一罍兩婦存其清者飲客而以濁自飲至底無濁置酒嘆曰是酒一清徹底有如藍君矣翌日召兩婦勞之曰續至夜

分勤也飲濁存清禮也無濁而終不飲儉也以婦人而知賢其上義也厚賜之巡按御史至立清廉貪酷四表令屬吏自揣其行立何位次衆莫敢措步淦攝衣直趨廉下御史曰藍令之賢尚未止此當更進一步即以嶺北一人薦之後陞去百姓遮道攀轅作去思亭

周諒

按寧遠縣志諒江西永豐舉人歷任五載事不避嫌能不辭冗凡前官通貪完結者百三十有九事作與士類防範邊隅時嘉靖十五年丙申大旱徒步拜禱雨隨以澍躬率鄉兵搗高山巢穴立五營以搃其險民咸賴之江華苗發奉委勦捕巡撫陸公獎異之後召擢雲南道監察御史祀名宦

龔有成

按蘇州府志有成字子完嘉定人嘉靖十六年丁酉舉於鄉謁選為詔安令邑在嶺海之交倭難方發盜亦蜂起左右多為賊耳目者乃陰致賊首諭之令縛盜自贖於是盜怖爭解散城中有為倭內應者引賊置大櫃中伺者以生夜掩捕之并得同謀者二十餘家盡誅之倭乃遁去在縣數年未嘗一日離城參謁考課以便宜自廢故撫按無薦疏會贛之龍南三集賊方張江西福建撫臣會請調為龍南令有成以賊皆編民雖出流劫未嘗殺官吏掠府庫可撫而定也乃親歷其巢曉以禍福賊率其妻子號哭請命就獻飲食皆受而害之寢處賊中凡數十日賊大悅願輸田租編里甲令子弟入學出所擄子女由是終任無為盜者兩以卓異薦會愛歸服闋後為蜀府長史致

仕年八十餘卒

張道

按蘇州府志道字允中以衡陽衛成籍登進士嘉靖十九年授知吳縣作事敏健留心風教於聖賢祠廟勤脩繕時長洲改學形象謂惟景德萬壽二寺為吉壤士議以景德先改書院工力易或欲就之道堅執不可曰止長洲之學建於吳地吳之靈秀不為長奪乎上官然之道仍助長洲之力創於萬壽適協蘇城一龍兩翼之勢發祥久遠人多頌焉

張淑礪

按明外史循吏傳淑礪孟縣人嘉靖二十年進士除歷城知縣縣居會城供億繁又歲比不登募兵戍邊征輸苛急淑礪應之有方民不知擾乃輕徭緩征務與休息歷城地瘠而賦不均民多流移為履原隰視土蠲惡以登下其賦覈額著籍民始不以磽瘠為子孫憂諸轉輸供帳送迎舊食民數十家分值率破產長吏因緣為奸歲終食派得賄即縱而役其無賄者民重困淑礪憫之稍徵其役錢入官自辦什器帷帳得轉相為用而點胥不敢欺隱五六十年弊政一旦如洗使客至未嘗飭廚傳邀譽折獄務得情實不尚威嚴吞民疾苦費盡不厭書曰吾四載於茲縣署有未經之迹而未始一日忘葺屋月旦與諸弟子設俎豆說詩書登鄉薦者倍於昔由是士悅民安流亡來集蒸蒸有太平之象焉

朱廷益

按蘇州府志廷益字汝虞嘉興人嘉靖二十年辛丑進士知嘉定縣先是邑中史治操切又積因酒糧富

家皆破於徭役民多轉徙田爲墟并廷益以廉儉自持數巡行阡陌問民疾苦又以猾胥作弊錢糧征比多所影射乃創爲鐵板冊三連票民間納戶始知程限至今便之廷益先令漳浦以賑荒忤上官坐貶連州俸未行復移嘉定後三年歸做屋以居鬻田以給官至通政司參議歿後貧不能葬江南士大夫高其清節贖金以助焉

李書

按彰德府志書字元素孝子聰之子嘉靖二十年辛丑進士授武進知縣邑附郭衙供應絡繹費咸出於糧長庫役歲入鹽稅罰贖官多自潤書以稅贖給用民供大省咸治儉多方賑恤時流民四集夏疫大作書置公所煮粥以食民免於殍會有浚河之命計田徵力諸縣用爲通式頻年大祲週負日積司農分使督徵江南大授書檢故贖得支運折兌數事申撫按請於朝閩省獲免運米若干萬石在任三載聲績赫然巡江御史按郡書與論事伉直銜之復命詣於銓部遂停徵書稍遷戶部主事未幾撫臣拾流言劾罷竟以誣譴

萬思謙

按蘇州府志思謙字益南南昌人嘉靖二十六年丁未進士任嘉定令政尚惇大不矜名炫才邑多通賦逃亡者衆田益荒歎曰治此如烹鮮可更爲擾乎且民有死耳賦終不可得償不如因而寬之委丑夏倭寇薄東城乘風焚倉舍城幾陷叩頭籲天風反火滅賊酋連中矢石斃乃解去因應邑城土環難守請易以堯會選刑部郎畱以俟工畢越明年城成賊果大

至特以無患

林騰蛟

按廣東通志騰蛟字士才福建永安人嘉靖二十七年以進士知新會先是邑苦苛政騰蛟至一切釐革之性敏而果斷喜抑豪強賊掠謝大用羣無賴肆劫里中倚長潭盜何貳輩爲聲援騰蛟得其狀欲密討之有語及者置不答適新寧賊嘯聚金鷄山伴爲追捕至水口遂移兵襲大用擒之斬首三十級俘獲無算方欲討何貳會母計至即使人招護護行且曰汝素蓄毒弩宜以爲衛貳信之請歸治具與之期密遣驍勇伺便縛之餘衆奔白芒海生擒六十人斬首四境晏然比去民思之後擢監察御史

郭懋

按武昌府志懋字子德家世六合後隨楚藩占籍江夏舉嘉靖己酉鄉試授杞縣教諭到杞會流徙萬餘起歸德破老城柘城徑薄杞杞人驚竄爭門而出知縣懼且肘印棄城走懋曰奈何爲天子城守而棄之乎因爲借箸士庶藉以安兩臺異之檄代行杞事於是下令邑中集丁壯被甲乘城又令戶出煤炒若干由此得治芻茭乃日張蓋鼓樂巡城宣言大軍且至捕獲間諜數騎發其金龍衣賊遂引却事聞還威遠知縣遭母喪起補舒城舒小而繁掾爲政自公蒞任一切自操無所事掾諸掾稍稍告去懋據案笑曰何高尚之多乎吾爲爾成之悉聽投檄罷諸掾實無意去皆大恐且日因丞簿師儒肉袒謝笑曰邑固不少爾曹也竟不高尚乎各輓數十而罪其首事者終懋在邑不敢爲奸故事馬母歲一征駒世爲舒患懋請

計馬征銀民便安之其後江北未以爲例舒故無城而民又善訟因範士爲埴令訟者如式納之以當金矢甫半載城成而訟者亦減有同鄉黃門者導公往謁嵩于世蕃懋瞠目良久曰烏有爲人臣而內交者乎以此側足媚人僕生平恥之矣黃門默然以政治行異等卒不奉徵書而遷趙州也

王繼孝

按蘇州府志繼孝字子忠崑山人嘉靖二十八年己酉舉人授江西龍南知縣縣居萬山中多賊巢繼孝至即擒妖僧數十人遠近向化上司時檄視他縣事繼孝往來諸縣凡其地形險易民間疾苦無不知之有葉楷者據黃鄉爲亂僭立功王廟春秋殺人以祭莫敢誰何巡撫令繼孝往諭之繼孝受檄疾馳至黃鄉葉楷知其爲廉能吏備賓主禮迎問曰君降楷耶安之也繼孝笑曰此來自處處置因密諭諸脅從者以歸誠之利衆人稍懈因設方略伏兵龍南而自提兵猝臨之斬其巨魁三四人楷躍馬斷其馬足乃自焚調知寧都爲忘者所論免歸蒙蕭然處之晏如

沈應乾

按廣東通志應乾字惟順五河人嘗師尚書霍韜大見稱賞嘉靖二十九年庚戌登進士知南海南漚任不遠二百里詣輶幕泣而矢曰所不盡心百姓廉介自持負公之教者有如河乃詢利病訪得失採輿論而更革之省刑輕徭征賦有法宿弊爲之一清壬子洪潦爲患民大饑殍力勸賑全活萬計鄰邑寇盜讎起南海晏然應乾之力也以廉能入爲主事開國以來南海稱良吏者必曰黃沈蓋以黃正色與應乾並

稱云

孟傲

按武昌縣志傲字思哲號見庭武昌人中嘉靖三十一年壬子鄉試授典安令邑治徭民雖處徭舊無弟子員公獨溢羨千金請於督學增設徭庠卷面得書猶字取附於庠以陰易其俗而雅化之邑偶旱借漚河水值大姓為梗公論衆憤之仍貸其賦渠成灌救數萬頃士民感悅號所濬為孟公塘擢貴州鎮寧州牧不就而歸

樊垣

按江寧府志垣字伯師四川宜賓人由嘉靖三十二年癸丑進士授句容令英年長材劇繁理劇綽有餘裕時值倭夷煽亂三吳橫遭焚溺垣懼容無城難守乃請諸當道設法創造瀕完倭五十六船由容邊界走小丹陽直犯京師垣率衆登陴晝夜捍禦卒免蹂踐之禍

祝乾壽

按蘇州府志乾壽字健卿應城人嘉靖三十二年癸丑進士任崑山令開敏流利且能通曉土俗而緩急布之民安其教樂其惠甲寅四月倭寇猝至薄東關燭集城下乾壽微服乘城募民守禦措置秩然士庶莫不感奮與萬紳王任用朱隆禧孝廉歸有光丁允亨秦沾等共畫便宜鼓勵諸生藩蔚卿晉日亨陳維柴秩柴輔元等率衆親闕燒其船賊遂轉向西關攻城益急城垂破乾壽執金鉦鼓之不為動忽見一老父曰但沸桐油礮斯穢沃之賊可擒也如言試之果得渠魁二大王縛旌竿射殺之賊乃解圍去及循城

憩土神卜將軍祠其像即西關老父遂上其事春秋祀之此皆乾壽至誠感神所致也以艱去後擢御史崑民祀之上神祠右黃岡樊玉衡題其祠曰勝生且為之記

李繼業

按開封府志繼業字伯耀襄城人領嘉靖三十四年乙卯鄉薦任束鹿令典學勸農風化大行常命駕歷原野有婦自耕已而知其夫游手也遂懲之途次遇童子攜孝經行稅駕為之講解由是里塾無不誦田疇無不易矣一日直指索荷粉甚急繼業徐徐罔滿意且白直指微物非不能辦恐從此為末例也直指街之繼業遂謝病去民感泣壺漿塞於道有老婦獻木綿線一縷且云此出老婦手績願以助我公製百歲衣也繼業為之限淚

金傑

按江寧府志傑浙江蘭溪人貢士嘉靖三十七年令江寧性恬淡持正懷慈行仁不忍鞭朴迎送供億常以儉節而致邑忤傑見民多可傷不能瘠民以奉上居官未半歲一夕因謁上官歸中途授印於吏遂去不知所之後人傳其隱九華山事仙學云

黃尚質

按江寧府志尚質字宗商水軍左衛人嘉靖二十七年戊午舉於鄉授劍州學正攝攝妖寇蔡百貴作亂竭力捍禦郡賴以安改峽江令地賦賦通監司行訪每以微售富巨慈尚質一無所開報驛有羨金歲暮輸於縣尚質令存以減來歲額派漁人舉網得篋千金里豪誣以盜漁人懼獻之官尚質曰此天以

資貧民也庵之弗視人觀里甲舊有魄金悉拒之萬曆初詔雪紳子寧其遺嗣流為斯養尚質多方覓得之復其姓立祠買田俾主其祀尋擢饒州別駕拔檄歸

曹自守

按蘇州府志自守字伯化往平人進士嘉靖三十八年任知吳縣時值兵荒十室九空明年大水存者復為魚鼈自守哀憫誓殫心力以租席之甫視事將舞文吏悉置諸法三月政通人和民樂其業聽訟多勸諭而未嘗窮竟有大犯雖權貴不少假三尺每曲求民隱得一善政毅然行之不事文飾撫卹饑餓散廢施藥又身自儉約以為下倡僕御肅然車服雅朴三年不製一衣不宴一客歲賦例有義以待耗自守損二存一以充施予衙署惟蒼頭一人門不扃荷不鑰而廉聲轉著僚佐咸感發砥礪日處凄寂不敢怨尤自守素知醫客有慮及其家事者自守笑曰吾他日居鄉買藥足以自給何復他求居四年如一日尋以憂去百姓號呼者載道有依依直抵其家者

黃嘉賓

按蘇州府志嘉賓崇安人進士常熟自嘉靖癸丑被倭閱內辰始息若已未之早辛酉之湧皆災嘉賓以嘉靖三十八年己未臘月至發摘如神明撫綏如父母輸賦者布縷錫豚皆以便宜收納直指查核治狀稱卓異會捕治海寇吳宗璽使某素入宗璽乃逮嘉賓幸輿論保持之然未及給由量還戶部即以壬戌壬冬朔行士庶振聳不啻失怙至萬曆丁未列祀名宦祠時有一父老扶杖匍匐云少遭冤獄遇公